

~~Kat Komp~~
589904-
-589927
Mag. St. Dr. III




UNIVERSITÄTS-
UND LANDESBIBLIOTHEK
BONN



589904-589927

Mag^m St. Dr.

Mr. Sargis
Bobson



LABORES HERCULEI

Operosæ Virtuti & Eruditioni

XI. VV. DD. Primæ Laureæ Candidatorum
in præmiatricem Coronam

COMPOSITI,

ac dum

post strenuum in Stagyritica acie certamen,
in Alma Universitate Cracovienti,

per
Illustrem Clarissimum & Admodum Reverendum Dominum,

D. M. AMBROSIUM

BUSZYDŁOWSKI,

Philosophiæ DOCTOREM, Ejusdemq; Regium ac Ordinarium Lin-
guae Gallicæ PROFESSOREM, Collegam Majorem, Ecclesiæ Col-
legiatæ S. ANNÆ Cracoviæ CANONICUM.

In numerosa Hospitum Præsentia.

AA. LL. & Philolophiæ Baccalaurei,

Ritu Solenni renunciarentur,

Votivi applausûs gratiâ

VALENTINO CANTIO

PODZYŃSKI,

Ejusdem Laureæ Candidato,

Luci Publicæ

EXPLICATI.

Annô quô

In Labore & sVDore MeiCes CopIosa sIra est.

Die 30. Mensis Junii.

CRACOVIAE TYPIS UNIVERSITATIS.

Imago Misericordiae in vestibulo Collegii Majoris Universitatis Cracoviensis.



M. Zukoński Sc. Cracoviae. 1757.

589925 III

Inclita prodigiis Cracium Regina per Orbem
Cui placet ingeniis rite dicata Domus.
Quæve favore Tuo miseris succurrere discis,
Suscipias primi dulce laboris opus.
Porta Poli, Tutela Soli, Rosa Tu finè spinis
In decus ire Tuum laurina ferta sinas.

GRATIARUM COLLEGIO,
Myfteriorum Universitati,
Ad Imaginem & fimilitudinem DEI
Perfectiffimæ Creaturæ,

M A R I Æ
OPTIMÆ MAXIMÆ;

Utî ubiq;
Cæleftium Opum
THESAURARIÆ,
Vitæ ac falutis æternæ
ELABORATRICI,
ita

In Vestibulo Cõlegii Majoris Almæ Universitatis
Cracoviensis, à trecentis ampliùs Annis Gratiis & con-
cursu Studiosarum atq; devotarum mentium.

CELEBERRIMÆ PATRONÆ,

æternùm mancipata & militans anima,

Dat Donat Dedicat.



*Hilosophicas quibûs in primæva Regni Schola Pallas Ja-
gielonica primum mea & Concandidatorum præcingit tem-
pora Coronas, pietatis vinculo copulatas Aræ Tuæ Gra-
tiosæ subserno, Tuis Sanctissimis Pedibus, Tuo Virgineo sub-
mitto Calcaneo, MATER Misericordiæ, Poli & Poloniæ
REGINA Augustissima. Quemadmodû enî maximo mihi
dixi honori, minimò hoc ex se opusculò, Tuæ primæ post
DEUM militare Eminentia, ita collectas Laureas nemini
convenientius offerre, nulli faustiùs potui consecrare.*

*Istæ utiq; Frondes bono omine sub Tuo Nomine ex Academo in frontes
decerptæ durando sæculi vincent, vere florebut perenni, liberæ à fulmine mali-
gnantis vigebut fortuna, dum Tibi Cælestium Charismatum Paradiso, ex Quo
innumera Gratiarum in immortales mortalium animas explicantur centifolia, ex
Quo Flos Ille Campi suo sanguine Purpureus, Lilium Convallium, Palma Vni-*

*versa prodiit Salutis, implantantur. Veris Laureati primitia ferta, triumphalea
 mihi & redimito Cæui sese sinuabunt in arcus, ubi Tibi Sanctorum Omnium
 Coronæ, illius mali à malo Coronidi, una cum cordibus devotis in victimam
 anatema, & hecatomben cedunt. Prima hac adorarum non metuo ad Scholasti-
 cos æstus ne marcescant germina, irrigabis ea Tuis lacrymis, quibus ad Te con-
 fugientium siccas Mœstissima cum REGE Dolorum PARENS, Mare Gratiarum
 MARIA. Vilis mei ingenii partus, se ipso majus nanciscetur pretium, ad Te
 in Porta Sedem Sapientiæ. Non perdam oleum & operam, ad Oleum effu-
 sum Nomen Tuum. Procul atra caligo, procul mentem teterrimus error, non
 cæco imperu in ardua laborum ibitur, Tua prodromante Gratia Sanctior Mi-
 nerva, Lunâ Splendidior, Sole Illustrior, ordinibus Stellarum Clarior, Musis uti
 Christianis, ita Academicis (ad quarum Peripatum dum Cali Viatorem per Te
 vocarunt Cantium, ex GRATIÆ remigrasti Hospitio) Aurora Faventissima.
 Logicales difficultatum aculeos, Spina Regum Coronari REGIS, non tam ad nostri
 compunctionem cordis, quam ad Tuam expungent Instantiam. Tragica Illius Cædes
 per Tuas preces Ædes nostrum gremio altioris adaperiet honoris, quæ servorum
 intenta, quæ Portam Ottomanicam clausit. Per Te ò Diva Potens! ex voto visi-
 ratam, seu verius Favorem Tuorum armatus umbone Hercules ille Polonus JO-
 ANNES III. immanem Turcarum domuit licentiam, compescuit furorem, visis
 audaciam, optimum Imperio restituit malum. Per Te ò MATER Optima! Domi-
 na Sanctissima! jam ultra tertium sæculum, hac Cracio Academo favent tempora,
 quibus ad continuos sudoris imbres aurea Literarum colligitur messis, Ad Te de-
 votis animis alibi navales, Civica, murales, obsidionales, in Lechaæ Dodona Lau-
 reæ revirescunt Adoreæ. Tua Cooperatrice Gratia maximis idiotis in Thales
 mutatis, pulvis ille Scholasticus in Olympum consurgit gloria. Sub Tuo Præsi-
 dio Jæsones illi ebartis velificantes & calamis, sine metu metam, sirtibus non allisi
 sortem, pro scopulis votorum suorum attingunt scopum fortunatum. Subitæ ca-
 tæra, quæ publica loquitur fama, illud felix Sæculum, quò à Lauris Academicis ad
 Aureolas Cælestes tot Candidati creverunt, minus eruditâ non circumscribo
 pennâ, penam vel inde meriturus, crimen læsæ Majestatis commissurus, quòd profun-
 dissimam Gloriæ Tuæ rimari prætenderim abyssum, quam ingenio æquari velle,
 quis ausus? quæ facultas? quæ dicendi potestas? quàm thasibus metiri Rhetoricis
 idem est ac Cælo splendorem, Olympo atomum, guttulam fluminum Fonti, scintil-
 lam Vesuvio, frondifera Dodonæ minutissimum ramusculum applicare. Labor
 ergo cum Laureatorum Caterva ad Tuas Sanctissimas Plantas MARIA miseri-
 cordiâ Plena, quibus mille oscula profundissima cum adoratione figo, robustior ad
 futuros surrecturus labores, jaculis adversæ non agitandus fortuna. Suscipe itaq;
 exiguum hoc pietatis argumentum, benedictionem Maternam in ultiores pro-
 gressus non denega, cum cultu profundo corde & ore devotissimè obsecro.*

GRATIOSÆ EFFIGIEI TUÆ

Adorator indignissimus

Author Operis

VICTORI

De Mundo, Carne atq, Sathana

TRIARIO,

simul ac

Trina redimito tempora Lauri

ATHLETÆ,

DIVINISSIMO

JOANNI CANTIO,

Sacræ Theologiæ

DOCTORI & PROFESSORI,

Regni Poloniæ & M. D. Lithvaniæ Singulari

PATRONO,

Universitatis Cracovientis

PATRIARCHÆ.

Ode Votiva

Cum Epigraphæ

• • • Tu satis ad dandas in carmina vires.

Lucan: Lib. 1.

• • • præsens nostro succurre labori.

Virg. 3tiò Æneid.

DOtibus claris renitere, durum
Corde robusto cupimus laborem
Ferre, vel fortem quoties precamur,
Numen adesto.

B

Nil

Nil enim possunt hominum labores,
Nil valent curæ vigiles, juvat nil;
Sedulus vivas, eris at secundus

Tempore nullo.

Si tibi defunt Superûm favores,
Dum Dii Cæli, Maris atq; Terræ
Non ferunt robur, cadis ecce, si non

Fulcit Olympus.

Non priûs dextram tabulæ admoveto,
Ad preces pectus quoad evibrabis,
Nec pedem figas, venerare verûm

Tecta Tonantis.

Romulus, Remus, veteres Sabini,
Roma, dispersi populi per Orbem;
Luce sacratæ Fidei carendo

Hæc coluere.

Non priûs lætas olitor per herbâs
Fecerat gressus operatus arvis,
In Domum donec Cererem vocaret,

Legit aristas.

Æquor immensum spatiis petivit
Nauta, Neptunô precibûs ligatò
Miles in ferrum ruit invocato

Marte cruento.

Nos caput primis pariter coronis
Subdimus quando, properamus omnes
Ad Tuos sacros Cineres JOANNES

Corda ferentes.

Tu

Tu satis nobis tribues favoris,
Arduos reddes faciles labores,
Suggeres robur validum lacertis,
Membra juvabis.

Ad Tuas quivis recreatur Aras
Quæ petit, Cælô retinet benigno
Per Tuas voces, Tua per rogata,
Dive Patrone.

Mortuus vivit, videt ampla cæcus,
Ambulat claudus, tacitus perorat,
Surdus exaudit, miseri levantur,
Horret avernus.

Serta Doctores quoties capeffunt,
Te prius votis venerantur imis,
Et suos proni statuunt labores
Ad Tua Busta.

Sub Tuas quare Pater & Patrone
Supplices Plantas cadimus petentes
Quatenus primos Sophicos labores
Prosperè agamus.

Adde fulcimen solidesq; vires,
Lumen in mentem tribuas secundum,
Solve constrictum genium, precamur
Corde profundo.

Nosq; pro tantis Tibi devovemus
Gratiis grates humiles datuos,
In DEUM per Te precibûs feremur
Omne per ævum.

Illustribus Clarissimis & Admodum Reverendis Dominis
EXAMINATORIBUS.

Illustri Clarissimo & Admodum Reverendo Domino,
**D. M. JOANNI JOSEPHO
R Y G A L S K I,**

Philosophiæ DOCTORI, Ejusdem Regio & Cursus Vladislaviani PROFESSORI, Collegæ Majori, Ecclesiæ Collegiæ S. ANNÆ ARCHIDIACONO, ac interea Artisticæ Facultatis DE CANO.

Illustri Clarissimo & Admodum Reverendo Domino,
**D. M. A M B R O S I O
B U S Z Y D Ł O W S K I,**
Philosophiæ DOCTORI, Ejusdemq; Regio ac Ordinatio Linguae Gallicæ PROFESSORI, Collegæ Majori, Ecclesiæ Collegiæ S. ANNÆ Cracoviæ CANONICO.

Clarissimo ac Excellentissimo Domino,
**D. M. J A C O B O
N I E G O W I E C K I,**
Philosophiæ DOCTORI, Matheseos ac Ejusdem Cursus PROFESSORI, Geometræ Strzalskoviano Jurato, Collegæ Majori Vocato.

**Offertur Hercules inter Astra relatus
cum Epigraphe:**

Locum virtus habet inter Astra.

Senec: in Hercule Oetæo.

HAëneus innumeris agitabar sensibus intus,
Sollicitusq; diu Pontum nemorumq; recessus,
Sylvas, florigeros hortos, montesq; superbos
Percurri; meditans folium, stirps, gemma lapillus,
Flosculus aut arbor Vestris magè serviat altis
Dotibus. Ergo Erythri mergi cupiebat in undis
Mens

Mens mea, gemmarum species penetraret an illæ
Promere dona valent meritis condigna peramplis
Vestrum. Sed sudore labor perfusus abundo,
Fluctivagas pretio gemmas superare videtur.
Ergo Jovi sacros montes conscendere restat,
Exprimat ut laudes saltim potiore metallo
Grata Camena Tuas, multum venerande Virorum
Ternio. Jam Scythiæ colles, jam Thracia montes
Quos fervet, revidet, teneat quos Indus Arabsq;
Pannonus, Hispanus celebrer, quos Dalmata dives.
Hinc Adamas, aurû, Carbunculus, hinc Amerthystus,
Hinc Sapphirus, adest, Jaspis, diadema Beryllum
Hinc habet. Hic laudi Vestræ scopus esse nequibit
Attamen. En mentes excelunt montibus altis,
Dignior est Sceptro, & Regni diademate virtus.
Quid dubiis faciam votis Heliconis? ubiq;
Munus conveniens quæsi, spe tamen omni
Non gavisâ mea, tandem quæ carmina dicam
Extra me rapior recolens. Torrebor ab æstu
Si Cœlo referar, prælustrem Tecta Deorum,
Suspexi tacito fulgentia sidera Cœlo.
Mox simulac hærens animus nova gaudia cæpit,
Herculis Astriferi post prælia gesta laborum
Emicuit facies. Jam stet sententia talis;
Stellifer iste Deus Vobis pro munere cedat
PATRES, ob summas dotes animumq; virilem
Nervos ingenii, vigilis documenta laboris.
Estis Vos etenim sublimes culmine mentis,
Victores animis, Victores arte celebres
Ingeniisq; pares Doctis, meritisq; supremis,
Aras tum Cathedras ornatis & alma Lycæa
Eloquio dulci, studio, sudore, labore.
Augetis Musas Patriæ subjecta perita,
De quorû numero es primû recitande JOANNES
Purpureo bina vice Quem veneramur in Ostro.

Non ita sidonio resplendet tincta cruore
Purpura, quam falsi sudoris cum natat undis,
Quas Tua frons largè pridem diffundere novit.
Posna Tuos loquitur sexennes clara labores,
Multos sarmatiæ Chiron ubi doctus Achilles
Formasti; felix calamo linguaq; disertus.
Cætera subticeo, quæ Cracia Pallas adorat
In Te secula loquantur opus solemnius, ista.
Phæbe facer citius superaddas mellea verba:
AMBROSIVS celebrandus ades in Nomine dulcis,
Vir cuius volitat Musæum fama per Orbem,
Per voces populi, procerum per corda potentum.
Tullius eloquio, clarens Exoticus ore,
Corda Virum mulcet verbis recreatq; politis.
Ejus laus adeo transcendit mentis acumen,
Ut nequeat spatiò concludi temporis arctò.
Mercurius lingvæ faveat calamoq; necesse est,
In Te Musa feror quando celebrande JACOBÆ,
Obruor en grandi meritorum mole Tuorum.
Vix etenim docta redimitus tempora laurò
In Craciis fueras præclare Professor Athenis,
Visus es unicuiq; placens & promptior arti.
Præcipuè celeri Cælestia sidera mente
Astrologus vigilans simulac prudens Geometra,
Quidvè Polo, tum quidvè solo foret esse necesse
Scitu; commonstras & per documenta laborum
Eximiis placuisse Viris cum laude mereris,
Sed quia frigenti dociles ac arte carenti
Desunt igniculi menti, quos fervor inurat
Ardentis cordis, Vobis, qui flamine doctæ
Palladis excelsis Lechicæ claretis in Oris;
Fervidiora nisi tribuantur vota Clientum,
Pronorum, desiderio quorum superesse
Optantur semper fors, ac illustria lustra.

LABO-

LABORES HERCULEI
operosæ Virtuti & Eruditioni
XI. VV. DD. Primæ Laureæ Candidatorum
in præmiatricem Coronam
COMPOSITI.

I. V. D. P E T R O
J A S T R Z E B S K I

Offertur labor Herculis, quò geminos angves in
cunis elisit. cum Lemmate

primis panditur Indoles
Augusta cunis Ines in Lechiade.

Herculis ingentes, exantlatosq; labores
Nemo stupere velit, cernens puerilibus ejus
Heroam mentem cunis animumq; teneri.
Ætatem virtus ut non expectat & annos
Verum prægrediens hos magnos exhibet ausus.
Illustres panter tu cunas nactus in orbe
Lechæo, fortis de fortibus ortus Athleta,
Percupis assiduo duroq; labore nutriri,
Dos Academiæ qui est & possessio vitæ.
Nobililibus debes ceris teneraq; Juventæ,
Quòd flectaris in omne bonum quasi cereus, asper
Verò complicibus sis affeculisq; malorum,
Per gestus humiles, vultum frontemq; modestam,
Mens generosa nitet niveo candore referta.
Sed non laudipetam, facere ast laudanda volentem
Te scio, pro serie laudum fero vota proinde,
Vincere Te faciat, vincens labor omnia durus,
Difficiles casus in arena Palladis. Alma
Nobilitas Virtus cûi convenit æqua potestas,
Promoveat meritis summis & honoribus auctum,
Et sic complebis spes magnas, vota q; vera
Sceptraferæ Matris, Patriæ Consanguinitatis.

III. V. D. STANISLAO FLORIANO Z D U L S K I.

Offertur Labor Herculis, quo Nemæum Leonem vicinæ formi-
dolosum Genti trucidavit. Cum Lemmate:

Non metuit virtus invicta laborem. Marcel: Paling. Lib: 516.

Virtus desidiæ nescia sordidæ,
Quodvis audet opus fortiùs aggredi;
Donec perveniat culmen ad ultimum,
Per casus gradiens nititur arduos.
Non hanc concutiunt mille pericula,
Constans præcipites sustinet impetus,
Hanc plausus sequitur palmaq; nobilis,
Quæ non pigritiæ, non vitio datur.
Sic complexus eam, STANESILAE das
Præclarum Specimen, dotibûs optimis
Respondens geniô Palladi Craciæ.
Te Phæbo Comitem Tarnoviæ Scholæ
Postquam dedideris, fruge peroptima
Excellisq; novo flore scientiæ.
Plantatus Craciis qui in Viridariis
Musarum pariet germen abundius.
Laurus præterea cùm superadditur,
Florens, & decorans emeritum caput;
Per virtutis opus cuncta paras Tibi
Hac ducente dein faustus, honorus, &
Securus peragas tempora vivida.

IV. V. D. H Y A C I N T H O T R A B S K I.

Offertur Labor Herculis, quô Aprum in Mænalo Arcadiæ Monte
cuncta vastantem jugulavit. cum Lemmate.

Nova per duros instruxit membra labores. Claud. de Consul. Honorii.

Quidquid Deorum munificentia
Benigna nostris usibus exhibet,
Id per labores obtinendum
Assiduas posuitq; curas.
Honoribûs vis ac opibûs frui?
Cupisq; vitam ducere commodam?
Sudes oportet perferendo
Quidquid erit grave, quid molestum.

Tu laureatâ cingere tempora
 Optans Coronâ, sedulus ardua
 Molimina ac casus subire
 Non metuis nec eos recusas.
 Apollini scû Palladi congruos
 Sensus revolvis, scû Dialecticam
 Scû Rhetorum percurris artem,
 Omne capis vigili labore.
 Quô prodromanti culmina gloriæ
 Attinge primæ, cresceq; Craciis
 Musis in ornamentum honorum,
 Præsidium columenq; firmum

V. V. D. P E T R O
 R Y D U L S K I,

Offertur labor Herculis, quô Cervam, Æripedem & aureis cor-
 nibus decoram cepit. cum Lemmate:

Inclutum virtus opus est laboris Maphæ Barber: in Pôëm:

OTia quid faciant & quæ discrimina causent,
 In rebus æquè singulis?
 Vepribûs excubemat tellus inarata, carensq;
 Motu, fit aer fætibus.
 Nî moveantur aquæ vitium putredinis atræ
 Ad se trahunt deterrimum.
 Hinc solers animô vehemente vigilq; labore
 Torpore non marcescere
 In desideriis avidis & mente tenaci
 Optas, sequens contrarias
 Desidiæ dotes. Fratris virtutibus almis
 Infitis ac à Laurea;
 In Craciis illum qua ornavit Pallas Athenis
 Palestra dein Zamoscia
 Exsurgit florens & eâ gaudendo virescit;
 Placere vis Tibi data.
 Ista proinde Tibi fructus det divite partu
 Laurus per hos vivacior
 Ut vincas plenus meritis & honoribûs altis
 Exosa doctis otia.

VI. V. D. STANISLAO
KALICIEŃSKI,

Offertur Labor Herculis, quô Harpyias Virgineum præferentes
vultum sagittis confossas sustulit, cum Lemmate.

Spes fama solet ad virtutem impellere multos. Marcel: Paling. Lib: 4.

CAlcar gloria concitata præcep
Et immensum habet. In periculosos
Anfractus movet, acribûsq; curis
Non deterret honesti amantiore.
Heros magnanimus volens triumpho
Ac palma celebri petens potiri;
Martis ex acie cruenta tela
Non illum fugat, ignis, hasta grando
Belli plumbea, donec aqua fine
Felici referat trophæa. Laudem
Mereris similem STANESILAE,
Musas qui teneris amas ab annis,
Nam postquam Neo-Corcinensis Edis
Literas coleres probosq; fructus
Legeris Cracias inis Athenas,
Per gradus properans scientiarum
Donec attingeris datam politus
Metam mente sagace laurearum.
Ad quam faustus, honorus, eruditus
Intones celestia suave semper.

VII. V. D. FRANCISCO
MATAWOWSKI,

Offertur labor Herculis, quô Taurum furiosum & flammam vomentem
jugulavit, cum Lemmate.

Egregios invitant præmia mores. Claud: Lib: 2 de Laud Stilico

Ingenuos mores primum quod discere debet
Quilibet esse volens
Laudibus excelsus summis & honoribus auctus;
Dogma vetus retulit.
Si verò mores decoret sapientia comptos
Expoliâtq; simul;
Unio pulchra manet; quâ non præstantius ullum
Par superesse potest.
His ornamentis clarens FRANCISCE duobus
Præmia justa meres.

Mens docilis felix qua Te natura beavit
 Corporis atq; bona;
 Ad placitum musis ad gustum Palladi doctæ
 Semper erant. Tibi nam
 Seû arcana sophus, seû sensus Tullius Apollo
 Ingerit arte sua.
 Enodas facilis. Craciis hinc ergo Viretis
 Flore juventa suo
 Spem magnam spondet, simulac sperare licebit
 Jure deinde Tibi;
 Germen honorificum dignos fructusq; laboris.
 Quod fore corde precor.

VIII. V. D. J G N A T I O P A W L U S K I E W I C Z,

Offertur labor Herculis quò Acheloum in varias formas se com-
 mutantem; delevit. cum Lemmate

- - - - - *Premia magna*
 Efficiunt facilem atq; levem quemcunq; laborem. Marcell: Palling: Lib 4.

Virtutis solidæ materies labor,
 Et semen celebris fertile gloriæ;
 Sit durus licet in se,
 Cultoresq; sui premat
 Verùm si statuas præmia congrua
 Præponasq; Viris laudis adoream,
 Grandes ultro subire
 Curas semper erunt partes.
IGNATI viridis cum Tibi Laurea
 Quâ quondam Proceres, quave Ducum Mitræ
 Ambivere nitere;
 Felici obvenit omine.
 Per spineta placet plena laboribûs
 Argutæ Logices currere promptius,
 Vatis Rhetoris æquè
 Doctæ Palladis ars placet.
 Hæc cum possideas dona scientiæ,
 In virtute gradus & sapientia
 Scandes spondeo, merces
 Gestis non decuit Tuis.

IX. V. A D A L B E R T O
B U B E L S K I,

Offertur labor Herculis, quo Gerionem bicipitem vitâ spoliavit,
cum Lemmate: *Explorant adversa vires.* Sil. Ital. Lib. 4to.

SI velis fortes animò virili
Noscere Heroas? peracerba rerum
In quibus dextrè fuerant probati
Nosce pericla
Scilicet fulvum velut ignis aurum
Expolit, casus ita crebriores
Dant Viris claræ documenta famæ,
Gesta perampla.
Te labor doctus vigilesq; curæ
Paladis fortem perhibent Athletam,
Queis Tibi crevit celer eruditi
Fructus honoris.
Multa sunt magnum Tibi quæ decorem
Conferunt, postquam genium politum
Viderint semper renitere, necnon
Artis amorem.
Curre jam felix superans labores
Anxios fortis, dein auspiciatam
Tange votorum teneasq; metam
Sortis amænæ.

X. V. D. J O S E P H O
K Ł O S I N S K I,

Offertur Labor Herculis, quò Draconem in Hesperiiis hortis truci-
davit, ac aurea mala sibi vendicavit: cum Lemmate:
Dignum tantorum pretium tulit ille laborum. Martial: Lib. 1mo.

NUnquam fere animis quies
Torpens desidiâ munera gloriæ;
Curas effugiens labor
Rarò certa sibi præmia comparat,
Celsa nube super, volat
Horum cum merito nomine dignitas,
Virtus est quibus inclyta.
Incumbens vigili sollicitudine:
KŁOSINSKI Tibi floridum,
Quamvis ingenium Pallade Lechica

Dignam

9

Dignam laureolam pareat;
Si secura tamen tendis ad oreæ
Ornamenta dari Tuæ;
Quæ dives reperit dotibus Indoles
Artisq; ingenium capax;
Quæras in studiis alma fidelibus
Incrementa sagacior,
Et grato Latii flumine defluens,
Stoæ per Cathedras stude.
Ad laudum titulos ingerito Tuum
Carum pectus Apollini.
Tunc virute tua tunc animi Tui
Vives fructibus aureis
Cum securus honos stabit in arduo.

**IX. V. D. B A S I L I O
M A L O G L O W A,**

Offertur NON PLUS ULTRA Herculeum post edecumatos labores
Abylæ & Calpæ Columnis in occidente inscriptum. Cum Lemmate;
Geminum pugne proponit honorem. Virgil. libr 9 Æneid,

Quod caret alterna requie durabile non est,
Perpetuis non usibus aptum.
Atteritur pressis sæpe agris vomer aduncus,
Ac intensus rumpitur arcus,
Semper belligerat non miles victima Martis,
Arma quies post prælia ponens.
Semotòq; jugo respiria bobus anhelis
Dat solers paulisper arator.
Sic etiam Alcides exhausta mole laborum
Monstris edomitisq; tremendis.
Otia corpus alant (dicit) celebranda trophæa
Virtuti statuantur & almis
Gestis, ac NON PLUS ULTRA signare labori
Expedit, & requiescere membris.
Hæc assertio non torpescere Te facit Alme
BASILI, quia mente sagaci
Continuò Musas ut tractes percupis, artes
Assiduò qui discis honestas.
Cum doctis doctè matura Tibi viget ætas,
Quælibet in studium vacat hora.

E

Hinc

Hinc quanquam per Te Sociorum clauditur agmen;
Laurea quorum tempora cingit;
Attamen ingenium solidum constante labore,
Prima potest dare culmina famæ.


II. V. D. VALENTINO CANTIO
P O D Z Y N S K I,
Fraterni affectus ergo

P E T R U S J A S T R Z E B S K I
Ejusdem Laureæ Candidatus


Laborem Herculis, quò Hydram in Læna palude redivivis capi-
tibus pullulantem vicit. offert cum Lemmate:
Victori tanta est concessa potestas. Lucan: in Sup: Lib. 7mò.

HYDRAM jam capitum septem delevit acerba
Alcides flammâ, colla mucrone secans.
Tale VALENTINO Tibi monstrum non erat ullum,
Vincere quod posses Marte potente, datum.
Arte sed assidua monstrum cui lumen ademptum
(Otia censeo) sternere fortè soles.
Fontibus ex aliis bene potus culta fluenta
Oceanum Doctum prima petisq; vada.
Viribus ut mentis, vegeto pollendo vigore
Frangas, esse tibi quod-rude-cunq; potest.
Laurea te in Cracias traxit Jagelonis Athenas,
Magni quâ toties eminuere Viri.
Utpote TENCZYNII Magnatum signa Ducumq;
Gestantes, publicæ fortia fulcra Rei.
Purpura Cardinei quos Præfuleiq; decoris
Cinxit, ab hac Lauru germen honoris habent.
Hæc virtus, simulac generosior Indolis ortus,
Rite Tuas dotes ad benegesta vocant.
Effectus quorum similis Te sorte coronet,
Affectus Fratris corde favente vovet.

Permissu Magnifici Domini
R E C T O R I S.



Biblioteka Jagiellońska



stdr0025787

